



დოკუმენტის დამტკიცების თარიღი და
ბრძანების ნომერი: 28.02.2019 წ. ბრძანება
№29

სტუდენტთა კონტინგენტის მონიტორინგის
პროცედურა



დოკუმენტის შინაარსი

მუხლი 1. ზოგადი დებულებები.....	3
მუხლი 2. უნივერსიტეტის სტუდენტთა კონტინგენტის ზღვრული რაოდენობის ფარგლებში საგანმანათლებლო პროგრამაზე მისაღებ სტუდენტთა ვაკანტური ადგილების განსაზღვრის წესი	3
მუხლი 3. უმაღლეს საგანმანათლებლო დაწესებულებაში ჩარიცხვა.....	6
მუხლი 4. კანონმდებლობით გათვალისწინებული დაშვებები.....	7
მუხლი 5. პროცესში ჩართული პირები.....	7
მუხლი 6. პროცესების შეფასება და შედეგების გამოყენება.....	8



მუხლი 1. ზოგადი დებულებები

1. პროცედურის მიზანია უნივერსიტეტის სტუდენტთა კონტინგენტის ზღვრული რაოდენობის ფარგლებში სტუდენტთა ჩარიცხვით არსებული ნიშნულების კონტროლი და პრევენცია; რეგულაცია ხელს უწყობს უნივერსიტეტის ინსტიტუციურ მდგრადობას და სასწავლო პროცესის ეფექტიან დაგეგმვას.
2. უნივერსიტეტის სტუდენტთა ადგილების ზღვრულ რაოდენობას ამტკიცებს ავტორიზაციის საბჭო;
3. სტუდენტთა ადგილების ზღვრული რაოდენობების განსაზღვრა ხდება:
 - ა) ავტორიზაციის შესახებ გადაწყვეტილების მიღების შემთხვევაში – ავტორიზაციის ვადით; ბ) სტუდენტთა ადგილების რაოდენობის გაზრდის შემთხვევაში – ავტორიზაციის დარჩენილი ვადით.
4. უნივერსიტეტი უფლებამოსილია განახორციელოს საგანმანათლებლო პროგრამაზე აბიტურიენტთა/სტუდენტთა მიღება სტუდენტთა კონტინგენტის ზღვრული რაოდენობის ფარგლებში;
5. სტუდენტთა ადგილების ზღვრული რაოდენობა მოიცავს სამაგისტრო/საბაკალავრო/ერთსაფეხურიან საგანმანათლებლო აკადემიურ პროგრამებს და მასწავლებლის მომზადების საგანმანათლებლო პროგრამებზე ჩარიცხულ პირთა რაოდენობას.

მუხლი 2. უნივერსიტეტის სტუდენტთა კონტინგენტის ზღვრული რაოდენობის ფარგლებში საგანმანათლებლო პროგრამაზე მისაღებ სტუდენტთა ვაკანტური ადგილების განსაზღვრის წესი

1. უნივერსიტეტი შესაბამის საგანმანათლებლო პროგრამაზე ჩასარიცხ პირთა ადგილების რაოდენობას განსაზღვრავს უნივერსიტეტისთვის დამტკიცებული სტუდენტთა კონტინგენტის ზღვრული რაოდენობის ფარგლებში.
2. შესაბამის საგანმანათლებლო პროგრამაზე მისაღებ აბიტურიენტთა/სტუდენტთა და მასწავლებლის მომზადების საგანმანათლებლო პროგრამებზე მისაღებ პირთა ადგილების რაოდენობის გაანგარიშება ხდება საგანმანათლებლო დაწესებულების რეესტრის მონაცემების შესაბამისად, სტუდენტთა ფაქტობრივი (აქტიური სტატუსის მქონე) და შესაბამისი წლის პოტენციური დამამთავრებელი სტუდენტების რაოდენობის გათვალისწინებით.



3. კონკრეტული წლისთვის უნივერსიტეტის მისაღები სტუდენტების საერთო რაოდენობა განისაზღვრება მმართველი საბჭოს სხდომაზე ფაკულტეტის დეკანების მიერ წარგენილი თითოეული პროგრამის რესურსებზე დაყრდნობით.

4. პირი, რომელსაც შეჩერებული აქვს სტუდენტის სტატუსი, არ განიხილება უნივერსიტეტის სტუდენტების საერთო რაოდენობის ფარგლებში.

5. სტუდენტის სტატუსის აღდგენა უნივერსიტეტში, დასაშვებია სტუდენტთა საერთო რაოდენობის ფარგლების გადაჭარბებით. ამ შემთხვევაში სტუდენტების საერთო რაოდენობის ზევით ჩარიცხული პირების რაოდენობა გამოაკლდება მომდევნო სასწავლო წლისათვის უნივერსიტეტის მიერ დადგენილ სტუდენტთა მისაღები ადგილების რაოდენობას.

6. უნივერსიტეტის მიერ სტუდენტთა საერთო ქვოტის ფარგლებში მისაღებ პირთა ადგილების რაოდენობის განსაზღვრის პროცესს კოორდინაციას უწევს ვიცე-რექტორი სასწავლო და სამეცნიერო-კვლევითი მიმართულებით;

7. ერთიანი ეროვნული გამოცდის/საერთო სამაგისტრო გამოცდის, მასწავლებლის სასერტიფიკატო გამოცდის ჩაბარებით უნივერსიტეტის მიერ აბიტურიენტთა მიღების გამოცხადება:

ა) ამ კატეგორიას დაქვემდებარებულ აბიტურიენტთა მიღების მიზნით უნივერსიტეტი აბიტურიენტთა ჩარიცხვის წლის წინა წლის 10 დეკემბრამდე განსაზღვრავს საბაკალავრო, სამაგისტრო, ერთსაფეხურიან და მასწავლებლის მომზადების საგანმანათლებლო პროგრამებზე მისაღებ სტუდენტთა ადგილების რაოდენობას;

ბ) უნივერსიტეტი 15 დეკემბრამდე განათლების ხარისხის განვითარების ეროვნულ ცენტრში წარადგენს სპეციალურ ანკეტა-კითხვარს, სადაც განსაზღვრულია მომდევნო წლისთვის მისაღები საბაკალავრო და ერთსაფეხურიან საგანმანათლებლო პროგრამებზე სტუდენტების რაოდენობა უნივერსიტეტის საგანმანათლებლო პროგრამებზე.

გ) სამაგისტრო და მასწავლებლის საგანმანათლებლო პროგრამებზე მისაღები სტუდენტების რაოდენობა შესაბამისი ანკეტა-კითხვარის საფუძველზე განათლების ხარისხის განვითარების ეროვნულ ცენტრს წარედგინება კანონმდებლობით დადგენილ ვადაში.

8. ერთიანი ეროვნული გამოცდების/საერთო სამაგისტრო გამოცდების გავლის გარეშე უნივერსიტეტის მიერ აბიტურიენტთა მიღების გამოცხადება:

ა) ამ კატეგორიას დაქვემდებარებული აბიტურიენტთა მიღების მიზნით უნივერსიტეტი აბიტურიენტთა ჩარიცხვის წლის წინა წლის 10 დეკემბრამდე განსაზღვრავს მომდევნო წლისთვის მისაღებ სტუდენტთა რაოდენობას უნივერსიტეტის საგანმანათლებლო პროგრამებზე.



ბ) უნივერსიტეტი უფლებამოსილია გასცეს თანხმობა/მოწვევა და განახორციელოს ჩარიცხვა ამ კატეორიას დაქვემდებარებულ აბიტურიენტებზე მმართველი საბჭოს გადაწყვეტილებით განსაზღვრული ადგილების ფარგლებში.

9. ამ პროცედურის მე-2 მუხლის მე-7 და მე-8 პუნქტით განსაზღვრული ადგილების გამოცხადების დროს უნივერსიტეტი ხელმძღვანელობს:

ა) სტუდენტთა რაოდენობის განსაზღვრის მეთოდოლოგიით;

ბ) საგანმანათლებლო დაწესებულებების რეესტრის სტუდენტთა ფაქტობრივი (აქტიური სტატუსის მქონე) მონაცემებით;

გ) შესაბამის წელს პოტენციური კურსდამამთავრებლების რაოდენობის მიხედვით, რომლებსაც მიენიჭება კვალიფიკაცია სტუდენტების ახალი ნაკადის მიღებამდე.

10. სტუდენტთა კონტინგენტის ზღვრული რაოდენობის ფარგლებში გადაჭარბების პრევენციის მიზნით, მომდევნო წლისათვის სტუდენტთა ადგილების განსაზღვრის დროს უნივერსიტეტი აანალიზებს წინა წლების პრაქტიკას სტუდენტთა გადინების, სტატუსის შეჩერებისა და სტატუსის აღდგენის დინამიკას.

11. უნივერსიტეტის ვიცე-რექტორი სასწავლო და სამეცნიერო-კვლევით დარგში მმართველ საბჭოს წარუდგენს სტუდენტთა ადგილების განსაზღვრისთვის შემდეგ მონაცემებს:

ა) აქტიური სტუდენტების რაოდენობას რეესტრის მონაცემებზე დაყდრნობით;

ბ) სტატუსშეჩერებული სტუდენტების რაოდენობას რეესტრის მონაცემებზე დაყდრნობით;

გ) ბოლო 3 წლის მონაცემების სტატისტიკას უნივერსიტეტიდან სტუდენტების გადინების, სტატუსის შეჩერებისა და სტატუსის აღდგენის შესახებ;

დ) მიმდინარე წლის 10 დეკემბრის მონაცემებით მომდევნო წლისთვის სტუდენტთა კონტინგენტის დაგეგმვის მეთოდოლოგიის საფუძველზე განსაზღვრული მისაღები სტუდენტების რაოდენობას ფაკულტეტებისა და საგანმანათლებლო პროგრამების მიხედვით (საბაკალავრო, სამაგისტრო და ერთსაფეხურიან, მასწავლებლის მომზადების საგანმანათლებლო პროგრამები);

ე) მომდევნო წლისათვის მისაღები ქვოტის ფარგლებში საგანგებო და საშემოდგომო მობილობის დროს მობილობის წესით მისაღები სტუდენტების რაოდენობას პროგრამების მიხედვით.

ვ) ვიცე რექტორი საგარეო ურთიერთობების დარგში კოორდინაციას უწევს ერთიანი ეროვნული გამოცდების გარეშე ჩარიცხვას დაქვემდებარებულ პირებზე თანხმობის გაცემის და სტუდენტების ჩარიცხვის პერიოდისთვის სტუდენტთა საერთო ქვოტის ფარგლებში არსებულ მდგომარეობას.



12. ფაკულტეტზე ახალი საგანმანათლებლო პროგრამის დამატების ან/და მარკეტინგული კვლევის შედეგების ანალიზის საფუძველზე რესურსებზე დაყრდნობით მიმდინარე წლისთვის განსაზღვრული მისაღები კონტინგენტის რაოდენობა შესაბამისი წლისთვის მისაღები სტუდენტების რაოდენობის ფარგლებში შესაძლებელია დაკორექტირდეს მმართველი საბჭოს გადაწყვეტილებით.

მუხლი 3. უმაღლეს საგანმანათლებლო დაწესებულებაში ჩარიცხვა

უნივერსიტეტი ვალდებულია:

1. შესაბამის საბაკალავრო და ერთსაფეხურიან საგანმანათლებლო პროგრამაზე ერთიანი ეროვნული გამოცდების რანჟირების დოკუმენტის საფუძველზე შესაბამისი დოკუმენტაციის წარმოდგენის და ხელშეკრულების გაფორმების საფუძველზე ჩარიცხოს აბიტურიენტი.
2. საერთო სამაგისტრო გამოცდების, უნივერსიტეტის მიერ ორგანიზებული შიდასაუნივერსიტეტო გამოცდის შედეგების საფუძველზე და აბიტურიენტთან გაფორმებული ხელშეკრულებების საფუძველზე შესაბამისი ქვოტის ფარგლებში ჩარიცხოს მაგისტრანტობის კანდიდატი.
3. ჩარიცხოს მობილობის წესით უნივერსიტეტში გადმოსული ის სტუდენტები, რომლებმაც განათლების ხარისხის განვითარების ეროვნული ცენტრის ელექტრონული პორტალის მეშვეობით სწავლის გაგრძელების უფლება მოიპოვეს ევროპის უნივერსიტეტში, წარმოადგინეს უნივერსიტეტში შესაბამისი დოკუმენტაცია, დააკმაყოფილეს უნივერსიტეტის მიერ ჩარიცხვისთვის დადგენილი შიდა პროცედურები და განაცხადეს თანხმობა აღიარებული კრედიტების თაობაზე.
4. ერთიანი ეროვნული გამოცდის/საერთო სამაგისტრო გამოცდის გავლის გარეშე კანონმდებლობისა და საუნივერსიტეტო რეგულაციების შესაბამისი პროცედურების დაცვით ჩარიცხოს პირი, რომელზეც გაცემულია თანხმობა/მოწვევა და გაიარა უნივერსიტეტის შიდა გასაუბრება/გამოცდა და დაადასტურა პროგრამის შესაბამისი სწავლების ენობრივი კომპეტენცია.
5. ამ მუხლით განსაზღვრული ჩარიცხვის დროს სტუდენტთა ადგილების რაოდენობა არ უნდა აჭარბებდეს უნივერსიტეტის საერთო მაქსიმალურ ქვოტას.



მუხლი 4. კანონმდებლობით გათვალისწინებული დაშვებები

1. უნივერსიტეტისთვის განსაზღვრული სტუდენტთა ადგილების რაოდენობის გადაჭარბება არის ავტორიზაციის გაუქმების საფუძველი, გარდა სტუდენტის სტატუსის აღდგენის ან უნივერსიტეტში მობილობის წესით ჩარიცხვისას სტუდენტთა ადგილების რაოდენობის გადაჭარბების კანონმდებლობით პირდაპირ გათვალისწინებული შემთხვევისა.

2. თუ უნივერსიტეტის ძირითად საგანმანათლებლო ერთეულზე ან საგანმანათლებლო პროგრამაზე მობილობის მსურველთა განაცხადების რაოდენობა რეგისტრირებული ადგილების რაოდენობაზე მეტია, უნივერსიტეტში ჩარიცხვის უფლებას მიიღებენ დაწესებულების მიერ რეგისტრირებული ადგილების შესაბამისი რაოდენობის სტუდენტები, რომელთა ერთიანი ეროვნული/სამაგისტრო გამოცდების შედეგები აღემატება მობილობის სხვა მსურველთა შესაბამის შედეგებს.

3. ამ წესის მე - 3 მუხლის მე-2 და მე-3 პუნქტის შესაბამისად თუ ბოლო საკონკურსო ადგილზე გასულია 2 ან მეტი სტუდენტი, დაწესებულება განათლების ხარისხის განვითარების ეროვნული ცენტრის თანხმობით იღებს გადაწყვეტილებას ამ საგანმანათლებლო პროგრამისათვის ადგილის/ადგილების დამატების თაობაზე. იმ შემთხვევაში, თუ დაწესებულებაში არ არსებობს სტუდენტების რაოდენობის ფარგლებში ვაკანტური ადგილი, დაწესებულების მიმართვის საფუძველზე ცენტრი უმატებს მას სტუდენტთა მისაღებ ადგილებს იმ რაოდენობით, რაც აუცილებელია ამ პუნქტით განსაზღვრული თანაბარქულიანი მობილობის მსურველების ჩასარიცხად. ამ შემთხვევაში დამატებული ადგილების რაოდენობა გამოაკლდება დაწესებულებისათვის მომდევნო სასწავლო წელს მისაღებ სტუდენტთა ადგილების რაოდენობას.

მუხლი 5. პროცესში ჩართული პირები

პროცესის ეფექტურად წარმართვის მიზნით უნივერსიტეტის სტუდენტთა მისაღები კონტინგენტის განსაზღვრის პროცესში და პროცედურებში ჩართული სტრუქტურული ერთეულები და პირები:

- ა) ვიცე-რექტორი სასწავლო და სამეცნიერო-კვლევითი მიმართულებით;
- ბ) ფაკულტეტის დეკანები;
- გ) პროგრამის ხელმძღვანელები;
- დ) იურიდიული სამსახური;
- ე) სასწავლო პროცესის მენეჯერები;
- ვ) სასწავლო ბაზის მენეჯერები.

მუხლი 6. პროცესების შეფასება და შედეგების გამოყენება

1. პროცესების პერიოდულ და საბოლოო შეფასებას ახორციელებს ხარისხის უზრუნველყოფის დეპარტამენტი.
2. ხარისხის უზრუნველყოფის დეპარტამენტი რეესტრის ფაქტობრივი მონაცემების საფუძველზე და მმართველი საბჭოს მიერ განსაზღვრული მისაღები სტუდენტების რაოდენობის ფარგლებში მონიტორინგს ახორციელებს:
 - ა) ერთიანი ეროვნული გამოცდებით მისაღები აბიტურიენტების რაოდენობის გამოცხადების და ჩარიცხვის პერიოდისთვის;
 - ბ) მობილობი წესით მისაღები სტუდენტების რაოდენობის გამოცხადების და ჩარიცხვის პერიოდისთვის;
 - გ) სამაგისტრო პროგრამაზე მისაღებ პირთა ადგილების გამოცხადების და ჩარიცხვის პერიოდისთვის;
 - დ) მასწავლების მომზადების საგანმანათლებლო პროგრამაზე მისაღებ პირთა ადგილების გამოცხადების და ჩარიცხვის პერიოდისთვის;
 - ე) ერთიანი ეროვნული გამოცდების/საერთო სამაგისტრო გამოცდების გავლის გარეშე პირთა თანხმობის გაცემისა და ჩარიცხვის პერიოდისთვის.
3. ხარისხის უზრუნველყოფის დეპარტამენტი აღნიშნული ეტაპების მონიტორინგის პროცესში ფაქტობრივ მონაცემებზე დაყრდნობით სტუდენტთა საერთო კონტინგენტის გადაჭარბების რისკების დადგომის შემთხვევაში მყისიერად მიმართავს მმართველ საბჭოს მიმდინარე წლისთვის განსაზღვრული მისაღები სტუდენტების ქვოტის ფარგლებში ცვლილების განხორციელების თაობაზე.